

ZELFGEZICHTER

Veldeke Dialekpries 2004

*Har Sniekers
Eind 3
6017 BG Toear
0475-562258
h.sniekers@tiscali.nl*

SJILDERE

De blauw droeve op 't nachkesje
De roeaj tulpe in de vinsterbank
De vergaeldje teikeninge aan de moor
En de witte lakes op 't bèd

ligke wie räöfkes vèrf
te wachte op mien druueg palèt

Toet ze aangelingdj
mèt traone
in dit nachtelik oor
es decor
waere biegezatte
in 't zoeavöölste zelfgezich

PLEKKE

Ich höb mien gebroeake
laeve
op ein zeef gesjödj
en de groeave rómmel
weggegoeadj

De fien deile
opgevang
zuver gebeusteldj
ein vuër ein
oet'rein gelag
genummerdj
en good bekeke

En daonao
sjerfke bie sjerfke
mèt leefdje
aanein geplektj
toet ein bezunjer beeldj

Det in de kamer
stuit te prieke
en mich neet
sjeif hooftj aan te kieke

GRAVE

Ich keek
in de kiekdoes van de tied
nao aafdrökke
van mien lèste jaore
De ouge zagte niks
loeage mich verlaote
aan te staore

Deper zóch ich
óngerin
nao nog ieërder tie
Woea ich
achter de lach
de ingehaoje traone zoeg

Nog wiejer groof ich
toet de baom
van de vreugste jaore
En de vónkendje uigskes
van 't wèch det ich weer vónj
mien laeve
ginge verklaore

PLOGE

Wie eine boer
mèt zien blinkendje ploog
snie ich
depe voeare
door mien stoppelwuerd

Óngerkantj weurtj bocavekantj

Op dit noew naaks verleje
zej ich al
de zomerwuerd
die klaorligke in miene kop

Aevel
ich kan ze nog neet zègke

GRUJE

Doe verpoeatdjes mich
in diene laevesgaard
midde
op dien bèste stökske zelf
woea dien zón
mich mèt wónjerwuuerd
verwörmdje

Ich slurpdje dien straole
wie werm modernèlk
en
mien kaoj puuet
begóste opnuuj te gruje

Dor tek goeaje weer sjuuet
die wie vuuerzichtigste vingers
aan reikendje henj
dich
durve ómerme en kösse

En tösse
mien sjoelendje blajer
maaks dich noe
dien nèsje

MISSE

Stilstaondj
op 't strandj
zeen ich de wie zieë
en dink aan dich
guns
aan de uueverkantj

Veuldje ich
in mien handj
mer ein traon
oet dien ouge
van leefdje of verdreet
of
heel ich dich mer vas
aan ein vaemke
van diene jas

Det waas mich lever
es
hie die ganse zieë

't Is mer vuuer ein jaor of twee
zag-se

In de gaard bluje de blome
en de kese zeen al riep
Ich wil
ze dich waal gaeve
mer mien handj
reiktj neet zoea wied